

程

陳學士新編吟窓雜錄卷二十九

江為

題白鹿圖序

吟登蕭寺旃檀閣醉倚王家玳瑁筵

孟賓于

有詩

園林瀟洒聞來久欲訪因循二十秋今日開襟吟不  
盡碧山重疊水長流

寄李昉詩

昔日聲塵喧洛下近年詩句滿江南

第一舉下第詩

蟾宮空手去下澤更誰來



第二舉下第詩

水國三親應探榜龍門三月又傷春

第三舉下第詩

仙島却回空說夢清朝未達自嫌身

第四舉下第詩

失意從來桃李春嵩陽經過歌行塵雲僧不見城中  
事問是今來第幾人

第五舉下第詩

因逢日者教重應忍被雲僧勸却歸

第六舉登第

沈庭瑞

為道士惟嗜酒酷於風雅

有詩曰

何須問我道成時紫府清都自有期手握藥苗人不  
識體含仙骨俗爭知

劉洞

石城懷古

石城古岸頭一望思悠悠幾許六朝事不禁江水流

金陵將陷題于道旁

千里長江皆渡馬百年養士得何人

夏寶松

有宿江城詩

鴈飛南浦砧初動月滿西樓酒半醒

又云

晚來羸馬依前去雨後還山數點青

劉洞紀之曰非劉洞乃陳德誠

建水舊傳劉夜坐螺川新有夏江城

康仁傑

贈陳德誠詩

紅布渡江霞蘸水香蛇出匣雪侵衣

登樓詩

雲散便疑千里望日斜長占半城陰

又贈嘉禾峰僧詩

只此住山寧有意向來求佛本無心

伍喬

江表志曰

喬與張洎皆歸熙載門人張為樞密使喬通判歙州嘗吟詩一篇戒去人曰侯洎遊宴時投之洎携門生遊北山僕者投詩云

不知何處可消憂公退携壺即上樓職事以參侯伯  
幙夢魂長遠帝王州黃山向晚盈軒翠綠水含春繞  
郡流遙想玉堂多暇日花時誰伴出城遊洎為之動  
容翌日召還為員外郎

王操

謁宋國老獻詩送數百縑於鍾鼓飲酒數日

而盡醉中掛帆數百里至落星灣半醉醒煙

雨中登水心寺斜行題詩於壁曰

分飛南渡春風晚却返家林舊業空無限離情似揚

柳萬條懸放楚江原

徐融

夜宿金山詩

淮船分蟻點江市聚蠅聲

許堅

有詩

道既學不得仙從何處來

題簡寂觀詩

松楸一色古壇靜鸞鶴不來青漢高

又病鶴詩

卧久就慵伸雪項步遲猶未整霜衣

又詩

滿目紅塵人不識謾隨流水出山來

題僧寺

荒碑字沒莓苔深古池香泛荷花白

黃可

獻高侍郎詩

天下傳將舞馬賦門前迎得跨驢賓

潘佑銘其墓曰其為詩奢如許史放如巢由

簡如葛天閑如麋鹿

高越

詠鷹詩

雪爪星眸衆鳥歸摩天專待振毛衣虞人莫謾張羅網未肯平原淺草飛

李徵古

有登祝融峰詩

欲上祝融峰先登古石橋鑿開巖嶮地取路到丹霄

鍾謨

在耀州有詩與州將云

渭北離愁春色早江南家事戰塵中

何昌齡

題楊克儉池館

經旬因雨不重来門有蛛絲徑有苔再向白蓮池上看不知花木為誰開

李顏

鄉人王祭上第顏以歌賀之

蓬瀛上客顏如玉手探月輪為返燭笑顧嫦娥玉兔

言謂折一枝情未足

周匡物

有謝恩門詩

中夜自將形影語古來吞炭是何人

蕭膺

土圭詩

白日在重雲如何分曲直

邵楚萇

題馬侍中亭

日影遲遲麗香閣洞戶佳人捲羅幕

許稷

字君苗尤工歌篇為江南春三首

第一首

江南正月春花早梅花柳花夾長道

第二首

江南三月春光半杏白桃紅香藥散

第三首

江南三月春光暮蝴蝶閑飛遠深圃

林鐸

送鄭鄞州詩

官從書府拜吏向武閭迎

詹雄

詠蟬詩

雨餘翼斂槐煙薄風急聲翻柳巷深

詠柳詩

自從彭澤先生後翠葉芳條只自春

王肱

有無題五十首首篇云

苑屋江山上夜來夢吳越巖溜穿白雲桂花落明月  
子規啼空山一聲一滴血何事 秋風出門又離別

李滂

詠愁詩

應緣心裏難停住化作新絲出髮簷邊

吳翊

字子充有鳳凰集盛行於世

遊塞云

此地古今存何年苦戰頻

又云

白骨連秋燒黃雲黯暮塵夜深聞鬼哭一一是忠臣

征婦詩

塵鑑經春掩霜衣隔歲裁

陳文弼

字處仁有詩三百篇行于世

詠海潮詩

百谷朝宗處朝昏洶湧時未嘗聞失信不省與誰期  
落勢分江島來聲震海涯魚龍爭會合鷗鷺競相隨  
卷釣人眠待貪程客恠遲幸通蓬閣路孤棹去何疑

楊少陽

有茅亭詩

池枯樹老花半開黃鶯歌春空亭臺

陳從道

字象先有詠扇詩

况有明年三伏在秋風能占幾多時

古今才婦

班婕妤

作怨歌行

新裂齊紈素鮮潔如霜雪裁成合歡扇團團似明月  
出入君懷袖動搖微風發常恐秋節至涼飈奪炎熱  
弃捐篋笥間恩情中道絕



細君公主

元封中嫁焉孫自為歌曰  
吾家嫁我天一方遠託異國  
心內傷願為黃鵠兮歸故鄉

蔡琰

為胡騎所獲生二子後歸重嫁於董祀

悲憤作詩二章

其一曰

天屬綴人心念別無會期存亡永年傷不忍與之辭  
兒前抱我頭問母欲何之人言母當去豈復有還時

其二曰

家既迎兮當歸寧臨長路兮損所生兒呼母兮啼失

聲我掩耳兮不忍聽追持我兮走斃斃心但絕兮死  
復生

琰有胡笳十八拍

徐淑

後漢秦嘉妻嘉疾還家不獲贈詩三首

淑以詩答之曰

離別無因兮叙懷恨無羽翼高飛兮相追長吟兮永  
嘆淚下兮沾衣

左芬

為離思賦又答兄詩書等數十篇行於世

謝道韞

謝奕之女嘗內集俄而雪下叔父安曰何所似也安

兄子朗曰散盤空中差可擬道蘊曰未若柳絮因風起安大悅

陳氏

嘗正旦獻椒花頌

璇穹昭回三朝肇建青陽散輝澄景載燁標美靈葩爰採爰獻聖容映之永壽於萬

翔風

晉石崇愛婢懷怨而作五言詩

春華誰不美卒傷秋落時

辛氏

晉傅充妻元日詩曰

元正啓令節嘉慶肇自茲咸奏萬年觴小大同悅熙

鮑令暉

宋參軍昭之妹也

擬青青河畔草

裊裊臨窓竹霏霏垂門桐灼灼青軒女泠泠高臺中

擬客從遠方來

客從遠方來贈我鳴添琴木有相思文絃有別離音

寄行人

自君之出矣臨軒不解顏

古意贈今人

寒鄉無思服衣氎代文練日日望君歸年年不解誕

代小玉詩

明月何皎皎垂幌照羅茵若共相思夜知同憂怨晨

寄行人

桂吐兩三枝蘭開四五葉是時君不歸春風徒笑妾

韓蘭英

吳郡人有文辭武帝以為博士教六宮

沈后

野僉載曰

后幽於別宮後主過之臨去問不留

誰言不相憶教妾若為留後主哀之欣幸如故

王氏

嫁為衛敬瑜妻年十六而寡誓不嫁

乃為詩曰

墓前一株柏根連復並枝妾心能感木顏城何足奇

王宋

劉勳妻也入門二十餘年無子出之於道中作詩曰

誰言去婦薄去婦情更重千里不唾井况乃昔所奉

遠望未為遥踟躕不得往

沈滿願

范靜婦也詠步搖花詩

珠華縈翡翠寶葉間金瓊

錢蕭娘詩

明珠翠羽帳金薄綠綃帷

早計長詠燈詩

風軒動丹焰陰宇澹清輝

昭君歎曰  
早信丹青巧重貨洛陽師千金買蟬鬢百萬馮蛾眉

映水曲  
輕鬢學浮雲雙蛾擬初月水澄正落釵萍開理垂髮

劉氏  
王叔英妻孝綽妹也

和昭君怨  
一生竟何怨萬事良難保丹青失舊圖玉匣成秋草

相接辭關淚至今猶未燥漠使汝南來慙慙為人道

贈谷曰  
粧鈿點黛拂輕紅鳴環動珮出房櫳

劉令

徐悱妻孝綽妹也悱卒為祭文其辭曰  
生死雖殊親情猶一敢遵先好手調萱橘

孝綽屏門不出為詩十字以題其門曰  
閉戶罷慶平高卧謝公卿

今嬾續之曰  
落花掃更合叢蘭摘復生

又詩  
落日更新粧開簾對春樹

和婕妤怨曰  
日落應門閉愁思百端生

魏司徒國珎之女也宣宗幸華林園后有詩曰

化光造物含氣貞

帝和之曰

恭已無為賴慈英

馮淑妃

齊後主始名小憐後主亡以賜達達甚嬖之始因琵琶絃斷

有詩曰

雖蒙今日寵猶憶昔時憐欲知心斷絕應看膝上絃

崔氏

北齊盧士深妻林義之女也

春日以桃花蹟兒面呪曰

取紅花取白雪與兒洗面作光悅取白雪取紅花與

兒洗面作妍華取花紅取雪白與兒洗面作光澤取雪白取花紅與兒洗面作華容

吳降仙

隋煬帝宮人拜婕妤有即將進合歡水果帝命賜之

降仙有詩謝曰

驛騎傳雙果君王寵命深寧知辭帝里無復合歡心

長孫后

春花曲

井上新桃偷面色簷邊嫩柳學身輕

徐賢妃

長門怨

舊愛栢梁臺新寵昭陽殿守分餘芳輦含情泣團扇

一朝歌舞榮風昔詩書賤類思誠已矣覆水難為薦

北方有佳人

由來稱獨立本自號傾城柳葉眉間發蓮花臉上生

陳學士新編吟窓雜錄卷二十九

春冰曲後主上以賜進士...

雪日相公...

陳學士新編吟窓雜錄卷三十

武后

游九龍潭詩

山窓游 玉女洞戶對瓊峯巖頂翻雙鳳潭心倒九龍  
酒中浮竹葉盃上瀉芙蓉故驗山家賞惟聽風入松

臘日宣詔曰

明朝遊上苑火急報春知花須連夜發莫待曉風吹  
凌晨名花瑞草布苑而開羣臣咸服其異焉

上官昭容

名婉兒上官儀之女也年十四武后召見有所制作  
若素構中宗與羣儒唱和昭容代作采麗益新

有書怨篇

葉下洞庭初思君萬里餘露濃春被冷月落錦屏虛  
密葉因裁吐新花遂剪舒十四

宋尚宮

名若昭德宗召入試文章并問經史大義咨美留宮  
中不以妾禮待之

王氏

撰天寶迴紋詩凡八百一十三字誠其子曰吾沒後  
逢大道之朝便可以止言

林氏

送男左貶詩

他日初投行勤王在飲水有功期不罰積毀竟相仍

文云

淚添江水逸心劇海雲蒸但將忠報主何懼點青蠅

魏氏

贈外詩曰

浮萍依綠水弱葛寄青松

宜芳公主

嫁奚霫質子有詩  
出嫁辭鄉國由來此別難聖恩雖遠送行路泣相看

宋氏

即大家也有宛轉歌

風已清明朗琴復鳴掩抑非千態慙慙是一聲

又曰

日已暮長簷鳥應度此時望君君不來此時思君君  
不顧前時望君君不來此時思君君

有十索詩四首

李季蘭

聽從叔彈三峽流泉作歌曰

妾家本住巫山雲巫山流水常自聞玉琴奏出轉寥  
曼直似當時夢中聽

留別廣陵故人

無才多病分龍鍾不料虛名達九重仰愧彈冠上華  
髮多慙拂鏡理衰容

送閻伯均往江洲

相裙折楊柳別恨轉依依萬里西江水孤舟何處歸

明月夜留別

離人無語月無聲明月有光人有情別後相思人似  
月雲間水上到層城

春閨怨

百尺井欄上數株桃已紅念君遼海北拋妾宋家東  
相思怨

人道海水深不抵相思半海水尚有涯相思渺無畔

感興

玉枕祗知長下淚銀燈空照不眠時

卧病

已看雲聚散更念木枯榮



隨賊寄故人  
鞞鼓喧行選旌旗拂座隅

偶居

心遠浮雲去不還  
心雲併在有無間  
狂風何事相搖蕩  
吹向南山復北山

遇潮寄房明府

不覩河陽一縣花  
空見青山三兩點

八至

至近至遠東西至  
至深至淺清溪至  
至高至明日月至  
至親至疎夫妻

寄十七兄校書

無事烏程縣  
蹉跎歲月餘  
不知芸閣吏  
寂寞意何如

得閻伯鈞書

莫怪欄干垂玉筋  
只緣惆悵對銀鈞

結素魚贈友人

欲知心裏事  
看取腹中書

送閻二十六赴剡溪

流水閭門外  
孤舟日復西  
離情遍芳草  
無處不萋萋

寄朱昉

別後無限情  
相逢一時說

元淳

秦中春望

上苑雨中樹  
終南霽後峯

寄洛中姊妹

弟兄俱已盡松栢問何人

上武雨寄楊女冠

聞道茂陵山水好碧溪流水有桃源

送霍師妹遊天台

陵城峭壁無人到丹竈芝田有鶴來

寓言

三千宮女露娥眉笑煮黃金日月遲

寄洛中姊妹

題書憑鴈翼望月想蛾眉

張夫人

拜新月

暗魄初籠桂虛弓未引絃

古意

輓轡曉轉素絲綆桐花夜落蒼苔甌

柳絮

飄躡浮綠醕拂幌綴紅綃

又詩

遊蜂乍起驚落墀黃鳥銜來却上枝

誚喜鵲

疇昔鴛鴦侶朱門賀客多如今無此事好去莫相過

拾得花鈿

曾經織手裏粘向翠眉邊

寄遠

臨風重回首掩淚向庭花

詞風重詠淚  
鏡中春色老  
祝前秋夜長

贈所思

願作梁間燕無由變此身

寄贈

妾心合君心一似影追形

春怨

梁燕無情困雙栖語此時

古意

桐花落盡春又盡  
紫塞征人猶未歸

感懷

不覺紅顏去空嗟白髮生

鮑君微

字文姬 關山月

高高秋月明北照  
遼陽城塞迥光初滿  
風多暈更生

入南澗

殘芳蘼蘭馥照水荷花紅

閉宵望月

轉扇來清風  
援琴飛白雪

東亭茶宴

幽篁映沼新抽翠  
芳桂低簷欲吐紅

惜花

不如盡取花下歡  
莫待春風摠吹却

不似畫 晚眺 不覺莫封春風 忽如昨

遠樹擁川斷晴雲抱日流

趙氏

前進士杜黑之妻也

贈羔雜言

君從淮海遊 再遇蘭杜秋歸來 樂須臾 又道向梁州

聞羔及第

長安此去無多地 鬱鬱葱葱佳氣浮 良人得意正年

少今夜醉眠何處樓

雜言

上林園中青青桂折得一枝好 夫婿杏花如雪柳垂

絲春風蕩颺不同枝

對春 羔累舉不第將至家以詩寄之

良人端的有奇才 何事年年被放迴 如今妾面羞君

面君若來時 近夜來

梁瓊

昭君怨 曰

回看父母國 生死畢胡塵

銅雀臺

誰憐未死妾 掩映下銅臺

宿巫山

南峯忽暗北峯晴 空裏神人笑語聲

古意

玉枕空流別後淚 羅衣已盡去時香

張幼宛

贈所思

夕望層城眼欲穿  
曉臨明鏡腸堪絕

蜀中春情

滿院花飛人不到  
含情欲語鳥雙雙

成都書事

故園胡虜隔何處  
事盡蠶桑

寄故人

無金可買長門賦  
有恨空吟團扇詩

春思

并上梧桐是妾移  
夜來花發最高枝  
忽然不向深閨  
種春過門前爭得知

又曰

雙燕不知腸欲斷  
銜泥故故傍人飛

西江行

日下西塞山南來  
洞庭客晴空白鳥渡  
萬里秋光碧

常浩

贈盧夫人

日暮出畫堂  
下階拜明月  
拜月如有詞  
傍人那得知

贈友人

聞道東山逸興多  
為憐明月映滄波  
辭辭紅粉隨君  
去其奈蒼生有望何

閨情

門前昨夜信初來  
見說行人卒未迴  
誰家樓上吹橫

笛偏送愁聲向妾哀

蔣蘊

又名馥馥贈鄭女古意

昨來巫山中失却陽臺女朝來香閣裏獨伴楚王語

春閨曲

寂寞相思處雕梁落燕泥

贈故人

昔別容如玉今來鬢若絲淚痕應共見腸斷阿誰知

日不西 崔萱

字伯容 古意

灼灼葉中花夏委春又芳明明天上月蟾缺圓復光

戲贈

如今身佩上清錄莫遣落花沾羽衣

叙別

碧池漾漾春水綠中有佳禽暮栖宿願持此意永相

貽祇慮君情中反覆

豪家子

年少家藏累代金紅樓盡日醉沉沉馬非蹊蹠寧酬

價人不嬋娟肯動心

豪家妓

豈知一隻鳳釵價活得數村蝸舍人

劉媛

長門怨

露滴梧桐秋葉黃愁心和雨到昭陽淚痕不學君思

斷拭了千行更萬行  
心跡雨後更難辨  
別後更難尋  
不覺寄思

送遠

聞道瞿塘滸瀕堆  
青山流水近陽臺  
知君此去無還日  
妾亦隨波不復迴

贈怨者曰

傍人那得知心事  
一面殘粧空淚痕

除夜

春風報梅柳  
一夜發南枝

廉氏

懷遠

青林有蟬響  
赤日無鳥飛  
徘徊東南望  
雙淚空沾衣

寄征夫

淒淒北風吹  
鴛鴦被娟娟  
西月生娥眉

峽中即事

青林二峽此  
中去啼鳥孤猿不可聞  
一道水聲多亂石

四時天氣少晴雲

張琰

感懷

年年人自老  
日日水東流

春詞

春情不可奈  
愁殺閨中婦

又曰

蕩子意不歸  
空閨淚如雨

又曰

庭芳自搖落永念結中腸

西陵嘖嘖悲宿鳥空殿沉沉閑青苔

看花獨不語徘徊雙淚消

秦箏不復續斷絃回身掩泣看花立

君今遠戍在何處遣妾秋來長望夫

田娥寄遠

淚流紅粉薄風度羅衣輕

春至偏無興秋來祇是眠

携手曲

鳳笙龍管白日陰盈虧自感青天月

字洪度蜀妓也

言語巧於鸚鵡舌文章偷得鳳凰毛

聞道邊城苦如今到妾知羞將門下曲唱與隴頭兒



螢在荒蕪月在天螢飛豈到月輪邊重光萬里應相  
照目斷雲霄信不傳

又曰

按轡嶺頭寒復寒微風細雨徹心肝但得放兒歸舍  
去山水屏風永不看

題竹郎廟

竹郎廟前多古木夕陽沉沉山更綠何處江郎有笛  
聲笛聲盡是迎郎曲

詠柳絮

他家本是无情物一餉南飛又北飛

寄遠

花開不同賞花落不同悲欲問相思處花開花落時

又曰

閨閣不知戎馬事月高還上望夫樓

劉雲

望月

天漢涼秋夜澄澄一鏡明山空猿屢嘯林靜鵲頻驚

有所思

浮雲遮却陽關道向晚誰知妾懷抱玉井蒼苔春院  
深桐花落盡無人掃

婕妤怨

秋扇尚有時妾身永微賤

陳學士新編吟窓雜錄卷三十

姊妹尚前却妾良不嫌想

排雲或時關直向知指映妾對林

翠酥亦紫盡無入縣

竹即南首所思小之湯沉沉山更綠何處江即有苗

夫莫悲林身欲登一歸即山空對翠蕭林

望月

望月

陳學士吟窓雜錄卷三十一

吟譜

張文姬

鮑參軍之妻也

雙槿樹詩

綠葉競扶疎紅姿相照灼不學桃李花亂向春風落

池上竹

此君臨此池枝低水相近碧色綠波中日日流不盡

溪口雲

一片溪口雲繞向溪中吐不復還溪中還作溪中雨

沙上鷺

沙頭一水禽鼓翼揚清音只待高風便非無雲漢心

葛鵲兒

會仙詩

彩鳳搖搖下翠微  
煙花漠漠徧芳枝  
玉窓仙會何人見  
唯有春風子細知  
煙霞迤邐接蓬萊  
宮殿參差曉月開  
羣玉山前人別處  
紫鸞飛起望仙臺

程長文

崔臺怨

君王去後行人絕  
簫箏不響歌喉咽  
雄劍無威光彩沉  
寶琴零落金星滅  
玉階寂寂墜秋虛  
月照當時歌舞處  
當時歌舞人不迴  
化為今日西陵灰

春閨怨

綺陌香飄柳如線  
時光瞬息如流電  
良人何處事功名  
十載相思不相見

書情上使君

妾家本住鄱陽曲  
一片貞心比孤竹  
強暴之男何所為  
手持白刃向簾幃  
一命任從刀下死  
千金不受暗中欺  
血濺羅衣終不恨  
瘡粘錦袖亦何辭  
縣僚曾未知情緒  
即便教人繫囹圄  
朱唇滴瀝獨啣冤  
玉筋攔干歎非所  
十月寒更堪愁人  
一聞擊折一傷神  
高髻不梳雲已散  
娥眉淡掃月仍新  
三尺嚴章難可越  
百年心事向誰說  
但看洗雪出圓扉  
始信白圭無玷缺

趙虛舟

戲贈

砌下梧桐葉正齊  
花繁雨後豎枝低  
報道不須鷓鴣  
亂他家自有鳳凰棲

魚玄機

寄子安

聚散已知雲不定  
恩情須學水東流  
有花時節難知  
遇未肯猷猷醉玉樓

又寄子安六言

煙裏歌聲隱隱  
渡頭月色沉沉  
含情咫尺千里  
况復家家遠砧

江邊樹

草色迷荒岸  
煙姿入遠樓  
葉鋪秋水面  
花落釣人頭  
根老藏魚窟  
枝低繫客舟  
蕭蕭風雨夜  
驚夢復添愁

送別

水柔逐器知難定  
雲出無心肯再歸  
惆悵江邊楚江  
暮鴛鴦一隻失羣飛

寄子安

楓葉千枝復萬枝  
江橋掩映暮帆遲  
憶君心似西江  
水日夜東流无定時

重陽阻雨

滿懷黃菊籬邊  
拆兩朵  
茱萸鏡裏  
開落帽臺前  
風雨隔不知何處  
醉金盃

姚月華

古怨

春水悠悠春草綠  
彼此思君淚相續  
羞將離恨向春

風理盡秦箏不成曲

又曰

與君形影分胡越玉枕年經笑離別登臺北望煙雨  
深回身泣向寥天月

劉

暗別離

槐花結子相葉焦單飛越鳥歸青霄翠軒輾雲輕遙  
遙臘脂淚迸紅線條

雜意曲

吳刀剪破枝頭錦茱萸花墜相思枕綠窓寂北背燈  
時暗數寒更不成寢

闔閭城懷古

五湖春水接遙天國破家亡不記年唯有妖娥曾死并  
處古臺寂寞起愁煙

裴羽仙

賦邊將二首

其一  
風卷平沙日欲曛狼煙遙認大羊羣李陵一戰無歸  
日望斷胡天笑塞雲

其二

良人平昔逐蕃渾力戰輕生出塞門從此不歸成萬  
古空留賤妾怨黃昏

薛瓊

賦荆門

黃鳥翻紅樹青牛卧綠苔諸宮歌舞地輕霧鎖樓臺

揚容華

鳳釵金作縷鸞鏡玉為臺

侯氏

夫張睽成邊十餘年侯氏綉迴文作龜形詩上進  
睽離已是十秋強對鏡那堪重理粧聞鴈幾迴脩尺  
素見霜先為製衣裳開箱疊練先垂淚拂杵調砧更  
斷腸綉作龜形獻天子願教征客早還鄉

裴柔之

元相國稹妻也

正賦春稹見柔之哭贈以詩曰

窮冬到鄉國正歲別京華自恨風塵眼常看遠地花  
碧幢還照耀紅粉莫咨嗟嫁得浮雲婿相隨即是家

柔之答曰

侯門方擁節御苑柳絲新不是悲殊命唯愁別近親

王韞秀

元載妻也王忠嗣女也載貧時王家薄之

載乃游秦為詩別韞秀曰

年來誰不厭龍鍾雖在侯門似不容看取海山寒翠  
樹苦遭霜雪到秦封

韞秀請偕行詩曰

路掃飢寒跡天哀志氣人休濡離別淚推乃手入西秦

後元擢中書

韞秀有詩寄姊妹曰

相國已隨麟閣貴家風第一右丞詩笄年解笑鳴機  
婦耻見蘇秦富貴時

載貴盛賓客候門而或間阻

韞秀作詩曰

楚竹燕歌動畫梁更闌更換舞衣裳孫洪開館招賓  
客知道浮榮不久長

李弄玉

三卿題序曰余本若耶溪東不得從夫西入

函關寓居晋昌里第不意良人已矣邈然無

依經過之所舉目魂銷維曩昔讌笑之地啣

冤加歎假使潘岳復生無以悼其幽思也遂

命筆聊題其詩曰

昔逐良人西入關良人身歿妾空還謝外衛女不相  
待為雨為雲過北山

繼此題者十一人

陸貞洞曰

惆悵殘花過暮春孤鶯舞鳳倍傷神清詞好箇干人  
事疑是文姬第二身

王祝曰

女几山前嵐氣低佳人留恨此中題不知雲雨歸何  
處空使王孫見即迷

劉谷曰

蘭蕙芬芳芳見玉姿路傍花笑景遲遲寧羅山下無窮

意併在二鄉惜別時

王條曰

浣沙遊女出閨東舊跡新詞一夢中  
槐陌柳亭何限事年年回首向春風

李昌業曰

紅粉蕭外手自題分明幽怨發雲闈  
不應更學文君去泣向殘花歸剡溪

王碩曰

無姓無名越水濱芳詞空怨路傍人  
莫教才子空惆悵宋玉東家是舊隣

李鎬曰

會稽王謝兩風流王子沉淪謝女愁  
歸思若隨文字

在路傍空為感千秋

張綺曰

洛川依舊好風光蓮幙無因見女郎  
雲雨散來音信斷此生遺恨寄三鄉

高衢

南北千山與萬山軒車誰不思鄉關  
獨留芳翰悲前跡陌上空傷挑花顏

常冰

未時歡笑去時哀家國迢迢向越臺  
待寫百年幽思盡故宮流水莫相催

賈馳

壁古字未滅聲長響不絕  
薰質本如雲松心應耐雪



耿耿離函谷悠悠望甌越杞婦哭夫時城崩無此說

薛瑗

南楚材妻也楚材游陳穎歲久穎守欲以子妻之楚材忽不思義而諾焉瑗知其意對鏡月圖其形

并詩寄之曰

欲下丹青筆先招寶鏡端已驚顏索寞漸覺髮凋殘  
淚眼描將眉愁腸寫出難恐君渾忘却時展畫圖看  
楚材觀之遂歸夫婦偕老

慎氏

嚴灌夫妻十年無子出之慎氏登舟為詩曰  
當時心事已相閑雨散雲飛一餉間便是孤帆從此  
去不堪重過望夫山

灌夫覽詩遂為婦道如初

孫氏

代夫贈人白燭詩

自有清香勝蘭蕙一條白玉遍人寒

聞琴

初疑颯颯涼風動又似蕭蕭暮雨零

謝酒

好是綠窓風月夜一盃搖蕩滿懷春

徐月英

送人詩

生憎平望亭中水忍照鴛鴦相背飛

郭紹蘭

適巨賈賈數年不歸燕為作詩

我搢去重湖臨窓泣血書殷勤憑燕翼寄與薄情夫  
夫在荊州得燕書而歸

京兆女

王仁裕曰

女為亂兵所掠有詩

寂寥滿地落花紅獨有離人萬恨中  
回首池塘更無語手彈珠淚有東風

海印

蜀慈光寺尼也才思清峻

有舟夜詩

水色連天色風聲益浪聲旅人歸思苦  
漁叟夢魂驚

舉棹雲先到移舟月逐行旋吟詩句罷猶見遠山橫

花葉夫人

姓徐氏孟昶侍人

有宮詞三十二首

華氏

有贈陳團詩

帝王師不得日月老應難

名士無不諷詠

盧氏

寒食詩

田舍轆轤出短塙村落鞦韆掛高樹

劉元載母

早梅詩

南枝向暖北枝寒一等春風有兩般憑伏高樓莫吹  
笛大家留取倚欄干

詹茂光妻

寄遠

錦江江上探春回銷盡寒冰落盡梅爭得兒夫似春  
色一年一度一歸來

趙晟母

惜別

暖有花枝冷有冰佳人後會却無憑預愁離別苦相  
對挑盡漁陽一夜燈

右三英詩

十七其孫冕序曰三英者三哲婦之辭也世有男子

大誇篇詠而意隨語盡者滔滔皆然三英婦

德天賦若此忍不序而碣之乎

謝希孟

字母儀謝景山妹也

希孟之詩尤隱約深厚守禮而不自放有古

幽間淑女之風非特婦人之能言者也

希孟有花詩八篇

其一詠牡丹

為花雖可期論德亦終鮮

其二詠芍藥

好是一時艷本無千歲期所以謔相贈載之在聲詩

其三詠薔薇  
勾牽主人衣  
一步行不得

其四詠躑躅  
薰薰麝射臍  
烈灼灼腥血殷

其五詠凌霄  
樹既摧為薪  
花亦落為塵

其六詠朱槿  
艷陽一何好  
零落千載寬

其七詠曼陀羅  
盜者得其便  
掉頭笑且歌

其人詠蝴蝶  
卞子真賞季  
莊生夢還怯

鮑氏

題信州於溪驛

溪驛號名杉  
煙花滿翠嵐  
誰知今夜好  
宿處是江南

李氏

拾得破錢詩

半輪明月掩  
塵埃依稀猶  
有開元字  
想得清光未  
破時買盡人  
間不平事

有彈琴詩

昔年剛笑卓  
文君豈信絲  
桐解誤身  
今日繞彈心  
即亂此心元  
自不由人

峴山妓

賈中郎與武  
補闕至峴山  
遇一妓草草  
而別妓走人

送詩一章與武曰  
弄珠灘上欲消魂  
獨把離懷寄酒樽  
無限煙花不留  
意思教芳草怨王孫

謝氏

數歲則學吟詩

嫁王元甫元甫赴都調官謝有詩送行

此去惟宜早早還  
休教重起望夫山  
君看江上千竿竹  
不是男兒淚染斑

趙氏

蜀潘炕妾名解愁  
其母夢吞海棠花  
蕊而生頗有國  
色善為新声及工小詩

徐氏

禱青城山回有詩

周遊寰境散幽情  
千里江山暫得行  
所恨風光看未  
足却馳金翠入龜城

高氏

李獻民曰

淮妻士大夫妻頗工詩

春怨詩

揚花日日常無定  
海燕年年却有歸  
一瞬青春速於  
電等閑完盡縷金衣

侯夫人

煬帝時在後宮不得進  
死臂懸錦囊左右取以進  
有自感詩三首

其一

庭絕玉輦迹芳草漸成窠隱隱聞簫鼓君恩何處多

其二

欲泣不成淚悲來翻弦歌庭花方爛熳無計奈春何

其三

春陰正無際獨步意如何不及閉花草翻承雨露多

又詩

粧成多自恨夢好却成悲不及揚花意春來到處飛

又遣意

秘洞扁仙卉雕房鎖玉人毛君真可戮不肯寫昭君

帝見其詩反覆傷感

吟窓雜錄三十一

陳學士吟窓雜錄卷三十二

古今詩僧

惠休

字茂遠宋孝武帝命還俗補揚州文學

鍾嶸曰

惠休淫靡情過其才世遂匹之鮑照

贈鮑侍郎詩

玳枝芳金英綠葉芳紫葢不入君玉杯低彩還自榮  
想君不相艷酒上視塵生當今芳意重無使盛年傾

慧約

字德素有哭范考詩

我有數行淚不落十餘年今日為君盡送洒秋風前

洪偃  
昇平亭詩

樹高枝影細山靜鳥聲稀窮客無往還攀桂獨依依

浴息街藻戲驚鷗帶魚飛

春溪度短葛秋補沒長紗

智炫  
游山詩

絕巖低更舉危峯斷復連樹錦無機織猿鳴詎假絃

薛居士訪戲題方圓動靜四字

慧暎  
方如方等城圖如智慧日動則識波浪靜類涅槃室

陳寶應起兵作五言詩以送之

送為臨遠水離旗稍引風好看今夜月當照紫微宮

智才  
送別詩

鏡中辭為識灞岸別新知年來應未老只為數經離

慧靜  
和盧贊府遊紀國道場

落照侵虛牖長虹拖跨橋

神迫身外  
懷歐陽山人

鷓鴣東牖曙草秀南湖春

詠水

風潭如拂鏡山溜似鳴琴

皎然

字畫姓謝康樂十世孫也

戲為一章

樂禪心以蕩吾道不相妨獨悟歌還哭誰言老更狂

四十韻之作

其略曰

東風吹杉梧山月到石壁此中一悟心可與千載敵

于頔序曰

皎然得詩人之奧旨傳乃祖之菁華江南詞

人莫不模範極於緣情綺靡故詞多芳澤師

古典制故律尚清壯

于頔贈詩

雲水漾清潯吳山橫翠峯含珠復蘊玉價重雙南金

皎然奉酬

盤礴西山氣貯在君子襟澄淡秋水影用為字人

韋應物贈詩

想茲棲禪夜見月東峯初

皎然奉酬



格將寒松高氣與秋江清

靈徹

字澄源姓湯越州人

道邊古墳詩

松樹有死枝塚上堆莓苔石門無人入古木花不開

雲門夜作

天寒猛虎叫岩雪松下無人空有月

石帆山作

月色靜中見泉聲深處聞

登天姥峯望天台

天台衆山外歲晚當寒空時有半不見崔嵬在雲中

傷古墓作

古墓碑表折荒壠松柏稀

福建還梨嶺作

秋深知氣正家近覺山寒

九日作

山僧不記重陽日因見茱萸憶去年

延平津懷古

今非古獄下莫向斗間看

歸湘南詩

山邊水邊待月明暫向人間借路行如今還向山邊

去唯有湖水無行路

芙蓉園新寺詩

徑來白馬寺僧到赤烏年

謫汀州作  
青蠅為予客黃犬寄家書

常丹贈詩

玉事紛紛無暇日浮浮冉冉只如雲已為平子歸休  
計五老岩前必共聞

徹奉酬

年老身閑無外事麻衣草屨亦容身相逢盡道休官  
去林下何曾見一人

僧薦

有伐楓篇雄拔人服之

虛中

題馬侍中池亭

嘉魚在深處幽鳥立多時

言懷

十年華岳峯前住只得虛空一首詩

齊已

鄭谷贈詩

格清無俗字思苦有蒼髭

謁鄭谷有早梅詩

前村深雪裏昨夜數枝開

谷笑曰數枝非早也未若一枝則佳齊已下

拜

徐東野贈歌

悶見唐風雅音缺敲破青天飛白雪清塞清江若有

靈遺魂對泣荒郊月

一簞松風冷似水長伴菜由伸脚睡

字德隱姓姜氏婺州人

一瓶一鉢垂老萬水千山得得來

滿容花醉三千客一劍霜寒十四州

別離如旨酒今古飲皆醉我恐長江水盡是兒女淚

病鶴詩

見說清氣邪不入不知爾病自何來

錦衣鮮筆手擎鵲閑行氣貌多輕忽稼穡艱難揔不

知五帝三王是何物

智覺禪師

言前躡道乾坤窄筆下搜吟海岳枯

春雨閉花遲晚雲生石樓

又詩

草濃春運狹樹密晚窓陰

又詩

統繡屏飛花外蝶隔金籠語柳中鶯

謙明

江隣幾日

謙明賦中秋月云此夜一輪滿至來秋方得

下一句云清光何處無

廷貫

書懷詩

吟中雙鬢老笑裏一貧生

清瀾

自序云

近因絕粒忘形默思動盈牋幅似若神助私  
自憚樂以為造四風之淵奧入二雅之髓脉  
簡長

張景序曰

上人以釋氏法怡悅情性名利不能傷其欲  
得喪無以搖其真上人之詩始發於寂寞漸  
運於冲和盡出於清竒卒得歸於雅靜

惟鳳

王隨雪花詩序曰

持正大師一章一聯皆出乎清新發手濤逸  
賦象可以披圖畫騰吳可以潤金石  
賦邊將詩

草撒飛燕壘降幡入漢營

送人歸天台

岸盡吳山出潮平越樹低

題丹露招提

寺近東溟日山連北固春

送陳處士

家遠知琴在時清賣劍歸

詠秤

衆星隨手舉萬物應心平

惠崇

錢易序曰

步驟高下去古人不遠釋之詩可相等者不

易得探厥志又金石於前矣

游長安詩

人遊曲江少草入未夾深

池上鷺

照水千尋迥棲煙一點明

歐陽永叔曰

九僧詩余少時聞人多稱其一曰惠崇餘八人者忘其字也

寂照

揚文公曰

圓通大師日本僧

寄丁晉公詩井以黑金水瓶

陳應行歷代吟譜

曉井斟殘月春爐釋夜斯

寄揚文公詩

身隨客槎遠心與海鷗親

南師

錢易序曰

南公之詩扶萬物之情起雅頌之風携山居

詩一軸來請與之序

秘演

歐公曰

秘演與曼卿交最久曼卿隱於酒秘演隱於

屠皆奇男子也

僧文榮曰

蘇子美有贈秘演曰

垂頤孤坐若癡虎眼吻開合無光精

秘演抹去無字改為猶字子美謳之秘演曰

吾苟活豈得言無光精耶

告師

字子京序曰

詩為天地緼造物者吞之其取之無限則輒

窮殫其命而拂戾其為

寶聲

東坡居士

有詩曰

滿院秋光濃如滴老松侍杖青松側只怪高聲問不

應喚余踏破蒼苔色

本名清戒俗號戒和省

文喜

湘南人有失鶴詩

一向亂雲尋不得幾看臨水待歸來

清晤

河北人有春日即事詩

鳥歸花影動魚沒浪痕圓

警導

桂林人

憶上人詩

捲箔西風起乘時上古臺秋聲隨葉下夜色帶煙來

漁翁睡重春潭濶白鳥不飛舟自橫

惠勤

歐公曰

才智有學問尤長於詩居錢塘孤山有中隱

集三卷行於世

文或

號文寶大師詩二集一千餘首

題項羽廟

十年弓劍為誰苦萬里山河不自由

定諸

有詩五百餘首曰去華集

觀盡水詩

無波浪處生波浪愁殺孤帆過海人

又鸚鵡詩

不須一向隨人語須信人心有是非

惠隆

有詩五百首名曰震溪集

題廢宅詩

統砌淺莎鳴促識斷簷殘雨挂遊絲

宗美

有詩六首名曰晉江集

自題云

新集芻蕘六百篇冥搜疑到不還天多慙未得搔人

旨虛役身心五十年

泊吳江詩

浣沙舊曲何人笛一一隨風到客舟

題延福寺

倚檻寒松偃連雲一徑橫就中圖不得牕戶入江聲

可朋

有詩千餘篇號玉疊集

題洞庭詩

水涵山影濶天拔地形高

又贈友人詩

未多不自容坐久却垂簾

又題杜甫舊隱



傷心盡日有啼鳥獨步殘春空落花

又寄齊已

雖陪北楚三千客多話東林十八賢

仲殊

李獻民曰

潤州有北固樓一日大宴賓其上而仲殊預焉太守命諸客各賦詩一篇仲殊先成

北固樓前一笛風碧雲飛盡建康宮江南二月多芳草春在濛濛煙雨中

元覽

道高有風韻人不可得親有詩題於竹

大海從魚躍長空任鳥飛

無夢

多教化村落手持木牌上書詩二首

其一

身為車方心為軛車動軛隨何計息交梨火棗是誰無自是不除荆與棘

其二

身為客方心為主主人平和客安堵若还主客不康寧精神管定辭君去

謙

賞花詩

鬢從今日白花是去年紅

契盈

遊錢塘潮水

王喜曰越去京師三千里誰知一水之利可謂三千里外一條水契盈對云十二時中兩度潮以為名對

正緣

送人謁柳開詩

柳墻高於花怒飛方可至奇哉游夏徒吐辭作雄翅

吟窻雜錄卷三十二

陳學士吟窻雜錄卷三十三

古今武夫

沈慶之

上嘗歡飲普令羣臣賦詩慶之手不知書口受顏師伯曰

微生遇多幸得逢時運昌朽老筋骨盡徒步還南崗  
辭榮此聖世何媿張子房

曹景宗

嘗振旅入帝於華光殿宴飲賦詩景宗求作  
不已詔沈約分韻惟餘競病二字景宗曰  
去時兒女悲歸來如鼓競借問行人何如霍去病  
帝嗟嘆不已

高琳

帝宴羣臣賦詩琳末章云

寄言當買車騎為謝霍將軍何以報天子沙漠靜妖氛

賀若弼

與源雄詩

交河驃騎幕合浦伏波營勿使麒麟上無我二人名

王智興

宴會賦詩

平生弓劍自相隨剛被即官遣作詩江南花柳從君

詠塞北煙塵我自知

高崇文

詠雪

崇文宗武不崇文提戈出塞號將軍那箇髀兒射鴈  
落白花空裏落紛紛

曹翰

有退將詩

曾經國難披金甲不為家貧賣寶刀

太宗稱賞之賜錢五百萬

劉吉

有詩三百首目為釣鰲集

贈隱者詩

一箭不中鵠五湖歸釣魚

夷狄

新羅國主

織錦以獻唐主

巨唐開洪業魏魏皇猷昌止戈成大定興文繼百王

揚奇鯤

南蛮宰相也

有詞藻入朝途中詩曰

風裏浪花吹又白雨中嵐色洗還青

段義宗

南蛮宰相也

有題大慈寺為藥

此花不與眾花同為感高僧護法功

題三學院經樓

玉排複道珊瑚殿金錯危欄翡翠樓

又思鄉

懸心秋夜月萬里照鄉關

劉經

虜政事舍人奉使北中有詩

野韭長猶嫩沙泉淺更清

高麗

元豐初入貢所至留題

游金山詩

塔影到淮沉浪底磬聲浮月落雲間門前客棹洪濤

急竹下僧碁白日閑

本朝詩人

范質

寄文素

有詩戒諸子

物盛則必衰有隆還有替速成不堅牢亟走多顛頽  
灼灼園中花早發還先萎遲遲澗畔松鬱鬱含晚翠

王溥

詠牡丹

素花至小能成實柔葉維柔解吐絲堪笑牡丹如斗  
大不成一事又空枝

王易簡

拜拾遺辭官歸隱詩

泪沒朝班愧不才誰能低折向塵埃青山得去且歸  
去官職有來还自來

寶儀

與四弟有才名

馮道贈宋鈞詩曰

燕山寶十郎教子有義方靈椿一株老丹桂五枝芳

郭延澤

詠牡丹凡千餘首

錢希白牡丹集序曰

士君子凡鍾意於物必有所得非有所得則  
不能洞悉深淺

李昉

進永昌陵挽詞

奠玉五回朝上帝御樓三度納降王

張齊賢

以詩戲友人

午橋今得晉心廬水竹煙花興有餘師亮白頭心已足四登兩府九尚書

又戒子弟

無私仍克己直道更和光

李肅

嘗作大宋樂九首

賈黃中

字媧民喜為詩舉童子科

蘇易簡

字太簡舉進士不起草凡三題千餘言數刻

而就太宗曰君臣千載遇對曰忠孝一生心

晚年贈僧詩

憔悴貳卿三十六與師氣味不爭多

王化基

字永圖尤好吟詠嘗作東南行百韻好事者

誦之

扈蒙

書空出字同用侍宴賦詩末句云

微臣自愧頭如雪亦聽鈞天侍五皇

徐鉉

字昇臣

贈彭芮詩

無人與和投湘賦媿子來浮訪戴舡

游水蘭亭

蘭橈破浪城陰直玉勒穿花花樹深

病中詩

書空出出頻書字與世滔滔莫問津

謫居詩

野日蒼茫悲鵬舍水風陰濕弊貂裘

餞陳秘監詩

三朝恩澤馮唐老萬里鄉關賀監歸

印粲贈公詩

見說下朝無一事小池栽葦學僧家

撰吳王挽辭

青松洛陽陌荒草建康宮道德遺文在興衰自古同

又曰

一朝人事變千古信書存

鄭文宝

字仲賢能為詩有集二十卷

在張齊賢座上作

水暖鳧鷖行哺子溪深桃李臥開花

郢城新亭

四圍山色銷煩暑一局碁聲下翠微

寒食訪僧

水上碧桃流片段梁間新燕語逡巡

卞震

田錫序曰蜀有胡臺李堯夫為詩人而卡公之名出其右

即事詩

雨壁生秋菌風枝落病蟬

憶鶴詩

積雨生殘稻蒼苔入舊籠

途中詩

風濤秋渡闊煙雨晚村孤

秋夕詩

空囊万里客斜月一牀寒

寄陳搏詩

雙闕暫隨丹詔入三峯尋與白雲歸

東郊詩

芳草又牽為客恨白雲空寄未閒心

魏丕

字齊物好為歌詩嘗詠山鵲為時所稱

劉昌言

有下第時詩

惟有夜來蝴蝶夢翩翩飛入刺桐花

宋白

有宮詞

近臣入奏新祥瑞昨夜黃河徹底清

揚徽之

字仲猷建州人



太宗聞其有詩名因畫索所著且獻詩稱謝

卒章曰

十年流落今何幸叨過君王問姓名

太宗選集中一聯寫於屏九聯句與筆花同  
但無春望句而江行云犬吠竹籬沽酒客鶴  
隨苔岸洗衣僧故梁周翰曰誰似金華楊學  
士十聯詩在御屏中

王禹偁

字元之作宋湜挽詞

樞前書顧命筆下定鴻基

張詠

乘傳過華山寄陳搏詩

今日星馳劔南去回頭慙愧華山青

及第寄傅霜詩

前年失脚下漁磯苦戀明時不得歸為報巢由莫相  
笑此心非是愛輕肥

詠柳詩

安得辭榮同范蠡綠絲和雨繫扁舟

題庭竹

小桃遮不得深雪放教青

書懷

日思舊隱歸何計或問前程笑指空

李宗諤

會賞花不預獻詩即許陪宴

戴了宮花賦了詩不容重見赭黃衣無聊獨出金門  
去恰似當年下第歸

揚億

字大年建州人試中書喜朝京闕詩

七閩波渺邈雙闕氣岩峯晚登雲外嶺夜渡月中潮

曲宴獻詩

聞說宮花滿髮紅上林絲管侍重瞳蓬萊咫尺無由

到始信仙凡迥不同

江隣幾日

公在館閣讀書占城進獅子公進詩

渡海鯨波息登山豹霧消

周啓明

有古律詩賦千餘篇

孫何

嘗作兩晉名臣贊宋詩二十篇

王禹偁延譽之嘗言丁謂與孫何便可白衣

修撰

柳開

字仲塗纂韓柳為文

塞上作

鳴鶻直上一千尺天靜無風聲又乾碧眼胡兒三百

騎盡提金勒仰雲看

及第詩

講武門前授勅廻綴行呵喝下無來九衢紅粉皆相

識盡捲朱簾看柳開

譚用之

詩 貽惠澈上

流水物情諳世態落

春夢厭塵勞

宿西溪隱士詩

織搵錦紋苔乍結墮書花印菊初殘

途中自勉

光陰老去無成事富貴不來爭奈何

入關詩

眠雲無限好知己應笑不歸花滿樽

錢熙

嘗擬古樂府著雅言十數篇

黃夷簡

尤二詩詠老而不輟

謝炎

字化南有詩集二十卷

許洞

字洞天作酒歌數百言

李建中

字得中望湖樓詩

春波無限綠白鳥自由飛

又西湖詩

漲煙春氣重貯月夜痕深

戚同文

好為詩有孟諸集二十卷

陳搏

字圖南亳州人有詩六百餘篇

嘗為詩曰

草澤吾皇詔圖南搏姓陳三峯十年客四海一閑人  
世態從來薄詩真自得真超然居物外何必更為臣

種放

字朗逸

有瀟湘感事詩二十卷

淒涼野浦寒飛鴈牢落汀祠晚聚鷗

萬適

字縱之著雍熙詩三百首

楊璞

字契玄有東里集

賦莎衣詩

狂脫酒家春醉後乱堆漁舍晚晴時

七夕詩

年年乞與人問巧不道人間巧已多

魏野

有草堂集

平陸縣詩

數聲離岸櫓幾點別州山

贈萊公詩

好去上天辭宰相却來平地作神仙

貽王旦詩  
西記東封俱已了  
如今好伴赤松遊

竹校杯詩  
吉凶終在我  
翻覆謾勞君

又詩

燒葉炉中無宿火  
讀書窓下有殘燈

上策公生日詩

何時生上相  
明日是中元

又詩

蟾光望處將三五  
鳳曆推來恰半千

寇準

字平仲知歸州巴東縣詩

野水無人渡  
孤舟盡日橫

江南春二首

其一

波渺渺柳依依  
孤村芳草遠  
斜暉杏花飛  
江南春盡  
離腸斷  
蘋滿汀洲  
人未歸

其二

杳杳煙波接千里  
白蘋香散東風起  
日落汀洲一望  
時愁情不斷如春水

吟窓雜錄卷三十三

報慈計不備以春水

其正公生日詩

春水戲東鄰十里白巖香瑞東風送日影以隨一

其正公生日詩  
春水戲東鄰十里白巖香瑞東風送日影以隨一  
其正公生日詩  
春水戲東鄰十里白巖香瑞東風送日影以隨一

陳學士吟窓雜錄卷三十四

王曾

字孝先投呂文穆早梅詩

雪中未問和羹事且向百花頭上開

呂公曰此生次第安排作狀元宰相矣後畫

然

丁謂

字謂之尤喜為詩

拜侍中有詩曰

千金家器非良寶一品官高是強名

真宗朝宴釣御釣不食晉公有詩

鶯鷺鳳輦穿花去魚畏龍顏上釣遲

呂夷簡

字坦夫題越州寺詩  
不用閉門防俗客  
爰閑能有幾人來

夏竦

字喬卿

試罷揚徽之丐詩有作

殿上衮衣明日月  
硯中旗影動龍蛇  
縱橫禮樂三千  
字獨對丹墀日未斜

揚公歎曰真將相器也

除使相知南京以絕句寄執政二首

其一

造化平分荷大鈞  
腰間新佩玉麒麟  
南湖不住栽桃

李擬伴沙禽過十春

其二

海鴈橋邊春水深  
略無塵土到花陰  
忘機不管人知  
否自有沙鷗信此心

以詩寄張諫院

弱羽傷弓尚未完  
孤飛殊不礙鴛鴦  
明珠自有千金  
價肯為遊人作彈丸

寄呂丞相詩

黃閣有賢圖國計  
皂囊無黨害邊功  
河原飲馬非難  
事一點胡塵在目中

投李沆詩

山勢蜂腰斷溪流燕尾分

晏殊

字同叔有詩

無可柰何花落去似曾相識燕歸來

又詩

靜尋啄木巖身處閑見遊絲到地時

又詩

樓臺冷落收燈夜門巷蕭條掃雪天

又詩

已定復搖春水色似紅如白野棠花

又詩

春風任花落流水旋盈行

杜衍

字世昌好吟詩喜草書

宋庠

字公序尤工詩

張士遜

字順之題西庵詩

密密石叢盤小徑洎洎雲竇瀉寒泉

過建寧縣洛陽村

誰知萬水千山裏枉被人言過洛陽

龐籍

字醇之退老有詩

田園貧宰相圖史富書生

王隨



字子正有宮詞云  
一聲喧鳥禁門靜蒲地落花春日長

又野步

桑斧利春色漁歌唱夕陽

陳克佐

字希元荅張士遜送花酒

有花無酒頭慵舉有酒無花眼懶開  
正向西園念滿  
索洛陽花酒一時來

吳江詩

平波渺渺煙蒼蒼  
菰蒲綠熟楊柳黃  
扁舟繫岸不忍  
去秋風斜日鱸魚鄉

湖州碧瀾堂詩

蒼溪清淺雪溪斜  
碧玉光寒照萬家  
誰向月明終夜  
聽洞庭漁笛隔芦花

劉沈

字冲之齊國公主挽詞

都門門外望千古白揚風

大拜送友人詩

若見鄉閩人見問為言歸思滿秋風

詠牡丹

三月內方有百花中更無

述懷

若不去登黃閣貴便須來伴赤松遊

小孤山詩

石簦千尋勢波留四面痕

范仲淹

字希文有贈釣者詩

江上往來人盡愛鱸魚美君看一葉舟出沒風濤裏

又觀渡詩

一棹輕如葉傍觀亦損神他時平地上無忽險中人

薛奎

有詩

千林如有喜一氣自無私

鄭戩

長安北禪寺笋石

春至不擇地路傍花自開

盛度

尤長於詩

張觀

字思正平生未嘗草書因自為詩曰

保心如止水為行見真書

錢易

真宗在東宮賞山水扇命易作歌曰

好同今日太平基萬國山河歸掌握

宋祁

字子京和侍宴釣魚詩

河龍獻鯉供恩餌北斗浮將水入壽盃

自為張藻序

孫甫  
字之翰有乞茶詩  
衰病自憐無酒趣塵容猶賴有詩情

尹洙

字師魯著皇雅十篇以嗣詩之正大雅

趙師民

字周翰有詩云

美天晨氣潤槐夏午陰清

春日即事  
委地露花啼曉恨拂堤煙柳弄春容

范諷

字補之題張氏園亭

惟有南山與君眼相逢不改舊時青

題甘泉寺

平仲酌泉回北望謂之禮佛向南行煙嵐翠鎖門前路轉使高僧馱寵榮

石揚休

字昌言有謝僧携琴見訪詩

誰傳廣陵操老盡嶧陽材右意為師復清風尋我來

魏瓘

有感事詩

萬里遠歸雙闕下一身閑在眾人中螭頭賜對恩雖厚雉堞論功事已空  
文潞公采詩進呈加龍圖尹京

又五羊書事

誰言嶺外無霜雪何事秋來亦滿頭

坐累降知越州

鐵冠持白簡藩棘聚青蠅

李絢

後花瑞竹詩

日回龍並影風過鳳聯聲

和杜相詩

收得桑榆物外種成桃李滿人間

石介

字守道著宋頌十篇作慶曆聖德詩

石延年

字曼卿太后上仙進挽歌

震出坤柔變軋成太極虛

後作鬼仙留詩

鶯聲不逐春光老花影長隨日脚流

蘇舜欽

字子美松江新作橋子美有新橋對月詩

雲頭灑灑開金餅水面沉沉臥彩虹

後因賽神之會見謫梅聖俞有詩

客有十人至共食一鼎珍一客不得食覆鼎傷眾人

林逋

字君復梅詩

疎影橫斜水清淺暗香浮動月黃昏

山居詩

草泥行郭索雲木叫釣靴

臨終為詩曰

茂陵他日求遺稿猶喜曾無封禪書

范文正公贈詩曰

風俗因君厚文章到老醇

錢惟治

字和出好二王書嘗曰心能御手手能御筆則法在其中矣

錢惟演

字希聖賦遠山詩

高為天一桂秀作海三峰

岑碩

字希微詠雪詩

金屋暖猶積玉闌寒更深

題吳山廟

伯勳肆譎叻夫差失霸圖

旅中春日登樓

極目又芳草捲簾非故山

張夏

字伯起

張景陽序曰

詩人之詩精而深文人之詩辨而理伯起之詩乃文人之詩也

趙絢  
字叔靈

宋景文序曰

叔靈不旁古不緣今獨行太虛探出新意

謝伯景

字景山有詩

多情未老已白髮野思到春如亂雲

又詩

自種黃花添野景旋移高竹聽秋聲

又詩

園林換葉梅初熟池館無人燕學飛

又詩

長官衫色江波綠學士文章蜀錦張

黃孝先

字子思有詩云

風簷燕引五六子露井榴開四五花

潘閔

字道遙有詩

清宵無好夢白日有閑愁

苦吟詩

髮任莖莖白詩須字字清

貧居詩

長喜詩無病不憂家更貧

峽中聞猿

何須三叫絕已恨一聲多

哭高舍人

生前是客曾投卷死後何人與撰碑

寄張詠

莫嗟黑髮從頭白終見黃河到底清

歸錢塘詩

新月無朗照落日有餘暉漁浦風水急龍山煙火微

宋尚書贈詩

宋朝歸聖主潘閔是詩人

梅堯臣

字聖俞有宮詞云

一見天威萬人喜却回宮路樂聲長

詠河豚

春洲生荻芽春岸飛楊花河豚於此時貴不若魚蝦

晏元獻愛其聯云

寒魚猶著底白鷺已飛前

王琪

字君玉有新安郡詩

山前夜燒連紅燭溪上春波映綠醅

題金陵賞心亭

千里秦淮在玉壺江山清麗壯吳都昔人已化遼天

鶴舊盡難尋卧雪圖

李邁

字泰伯蔡君謨宴陳烈走邁有詩

山鳥不知紅粉好一聲檀板競驚飛

閩中歲暮

霜嚴欲烈地到底日短不行天正中

仙都觀

幾雨道藏金壺墨一片秋容玉井花

清暉亭

山上白雲如有雪水中明月似無泥

淨居院

路經橋遠塵難到僧占閑多俗不爭

喜晴

天放舊光還日月地歸濃秀與山川

和陳殿撰

酒鄉貧更入詩債病猶還

感秋

天冷雲含白溪清水獻沙

廷壽亭

松老多經雪雲閑不到天

周式

成都人有春詩

珠簾誘戶遲遲日柳絮梨花寂寂春

庭松詩

花前嫫母醜雪裏屈原醒

耿仙芝

有詩云



淺水短蕪調鳥地淡雲微雨養花天

王安國

字平甫元厚之內翰為高麗乞新著平甫以

詩戲之曰

誰使詩仙來鳳沼欲傳賈客至雞林

杜默

長於歌行石介作詩贈之言曼卿豪於詩永

叔豪於文杜默豪於歌

張宗永

題陳相別墅

喬松翠竹絕纖埃門對青山盡日開應是王人貪報

國功成名遂不歸來

又有詩

大書文字隄防老剝買文書準備閑

周知微

寒食詩

疾風暴雨悲游子峻嶺崇山非故鄉

吟窓雜錄卷三十四上

公... 卷二十四... 元厚之內... 高麗乞折者平甫以

疾風暴雨... 寒食詩... 言是卿家於詩

大書... 國功... 走五人分

陳學士吟窓雜錄卷三十四下  
古今雜體詩

苦雨見寄

龜蒙

有時赤脚弄明月踏破五湖光底天

又云

不如駮入醉鄉中只恐醉鄉田地窄

齊梁怨別

寥寥缺月看將落簷外霜華染羅幕不知蘭棹到何

山應倚相思樹邊汨

奉和

日休

芙蓉泣恨紅鈿落一朶別時煙似幕鴛鴦剛解惱離  
心夜夜飛來掉邊汨

晚起即事

龜蒙

平波落日吟閑景暗恍浮煙思起人清露曉垂花謝  
牛遠風微動蕙抽新城荒上處樵童小石蘚分來宿  
鷺馴晴寺野尋同去好古碑苔字細書句

夏日閑居

平聲

荒池荷蒲深閑堦苔莓平江邊松篁多人家簾櫳清  
為書凌遺編謂絃夸新聲求懽雖殊途探幽聊怡情  
疊韻山中吟

瓊英輕明生石脉滴瀝碧玄鈿山偏憐白憤客亦惜

雙聲溪上思

溪空唯容雲木密不隕雨迎漁隱映間妄問謳鴉擄

離合體

閑居雜題

以題目字離合

鳴蜩早

閑來倚杖柴門口鳥下深枝啄晚蟲周步一池銷半  
日十年聽此鬢如蓬

松間斟

子山園靜憐幽木公幹詩清詠華門月上風微瀟洒  
甚斗醪何惜置盈樽

晚秋吟

東臯烟雨歸耕日免去玄冠手刈禾火滿酒爐詩在  
口今人無計奈儂何

藥名離合體

夏日即事二首

其一

避暑最須從杜野  
葛中筠席更相當  
歸來又好乘涼  
釣藤蔓陰陰着雨香

其二

窓外晚簾還自捲  
栢煙蘭露思晴空  
青箱有意終須  
續斷簡全編一半通

縣名離合

日休

懷鹿門

十里松蘿陰亂石  
門前凶事雨來新  
野霜濃處憐殘  
菊潭上花開不見人

風人詩體

龜蒙

破藤木供朝爨  
須知其苦辛  
曉天窺落宿  
誰識獨醒人

奉和

日休

刻石書離恨  
因成別後悲  
莫言春爾簿  
猶有萬重思

又詩

江上秋聲起  
從來浪得名  
逆風猶掛席  
苦不會帆情

寒食聯句

靜境揖神凝  
寒華射林缺

右龜蒙

清知思緒斷  
爽覺心源澈

右日休

高唱戛金奏朗詠鏗玉節

右龜蒙

我思方沈寥君詞復悽切

右日休

况聞風篁上擺落殘凍雪

右龜蒙

寂爾萬籟清皎然諸靄滅

右日休

西窓客無夢南浦波應結

右龜蒙

河光正如劔月兔方似珎

右日休

短燼不禁挑冷笔看欲拆

右龜蒙

何夕重相期濁醪還為設

右日休

藥名聯句

為待防風餅須添蒼心苾杯

右張賁

香檠栢子後樽泛菊花來

右日休

石耳泉能洗垣衣雨為裁

右龜蒙

從容犀局靜斷續玉琴哀

右張賁

白芷寒猶採青箱醉尚開

右日休

馬銜衰草卧鳥喙蠹根迴

右龜蒙

雨過蘭房好霜多桂未摧

右張賁

朱兒應作粉雲母詎成灰

右日休

藝可屠龍膽家曾近燕胎

右龜蒙

誰能將葉本對與玉泉才

栢梁體

潤色鴻業寄賢才

右中宗

叨居輔弼愧塩梅

右中書舍人嶠

運籌帷幄荷時來

右尚書楚

職掌圖籍監蓬萊

右祕書監憲

兩司謬忝謝鍾裴

右侍郎湜

禮樂銓管効涓埃

右吏部侍郎

欣承顧問侍天盃

右給事中適

右振司言愧不才

右中書舍人懷素

銜思獻壽栢梁臺

右給事中瑣

輕生侍從忝王枚

右中書舍人

謬司考能宸網該

右員外郎之問

遠慙班左愧遊陪

右昭容上官氏

迴文

春雪

潘孟陽

春梅雜落雪發樹幾花開直須盡興飲仁里願同來

奉酬

遲遲日氣暖漫漫雪天春知君欲醉飲思見此交親

三絕

介甫

其一

碧蕪平野曠黃菊晚村深客倦留甘飲身閑累苦吟

其二

夢長隨永漏吟苦雜疎鍾動蓋荷風勁沾懷菊露濃

其三

迸月川魚躍開雲嶺鳥翻徑斜荒草惡心臺廢野花繁

三四五六七言體

三言聯句

人不擾政已和世慮寡山情多

右書上人

禪客至墨卿過興既洽情如何

右崔遙

四言聯句

肅肅清院脩脩碧蘚已見心遠何關地褊

右書上人

自公退食升堂草玄紛務已隔雲心澹然

右崔遙

六言聯句

清高素非宦侶疎散從來道流今日還輕墨綬知君

意在滄洲

右書上人

浮雲任從飄蕩寄隱也信沉浮不似鄆南地僻道安  
為我淹留

右崔遙

玉臺躡

鶯啼蘭已紅見出鳳城東粉汗宜斜日衣香逐上風

情來不自覺暗駐五花驄

嬋娟二八正嬌羞日暮相逢南陌頭試問佳期不肯

道落花深處指青樓



句用字賦

春日綉衣輕春臺更有情春煙問草色春鳥隔花聲  
春樹亂無次春山遙得名春風正飄蕩春甕莫須傾

詠青

瑣窓龜沼渡玉案麝煙含子衿方執列汗簡正相參

詠長

倚天無楚劔護塞有秦城

詠短

袖嫌難舞處綆恨及深時

詠深

泰山雄地鎮北斗正天維

詠大

鵬博九萬里椿壽八千春

詠閑

掛冠傲更垂綸坐絕粒高僧擁衲眠

詠靜

別館無風花自落廢臺臨水燕歸時

詠睡

輕輕龜喘息苒苒蝶精神

右詩

兩頭纖纖月初生半白半黑眼中睛  
兩頭膊膊雞初鳴磊磊落落向曙星

兩頭纖纖青玉玦半白半黑頭上髮  
兩頭膊膊春冰裂磊磊落落桃初結

樂府江南三曲

江南曲

陽春路時佳人度  
枝上水中春併歸  
清風吹人光照衣  
留上客

右和

長楊掃地桃花飛

景將夕 擲黃金

龍笛曲

江南弄真能下翔鳳

右和

一頓一笑千萬餘

金門玉堂臨水居

遊子去還願莫踈

願莫踈

意何極

鴛鴦飛

兩相憶

採蓮曲

採蓮婦綠水沾衣

右和

桂舟蘭楫浮江溪

紅花玉面還相似

蓮踈藕折香風起

香風起

白日低

採蓮曲

使君迷

自君之出矣

徐幹

自君之出矣明鏡暗不治

思君如流水無有窮已時

又

李康成

自君之出矣茲吹絕無聲

思君如百草撩亂逐春生

又

辛弘智

自君之出矣梁塵靜不飛

思君如滿月夜夜減容輝

又

自君之出矣寶鏡為誰明

思君如隴水常聞嗚咽聲

自景之了語聯句

火燒平原無遺燎

右顧愷之

白布纏根樹旒旒

右桓玄

投魚深泉放飛鳥

右殷仲堪

樂語聯句

若河既濟真僧喜

右萼

親知滿坐笑相視

右真卿

戍客歸來見妻子

右皎然

學生放假偷向市

右廌

滑語聯句

雨裏下山踏榆皮

右真卿

莓苔石橋步難移

右皎然

蕪美將醋喫煮葵

右令白

縫靴脂線油塗錐

右夢  
急逢龍背須且騎

右益

醉語聯句

逢糟遇麴便醕酌

右令白

覆車隨馬皆不死

右真卿

到著接羅髮垂領

右皎然

酒語聯句

山簡酣歌倒接羅

看宋成碧無所知  
右蕃得羅字

右防得知字

耳鳴目眩駟馬馳

右良輔得馳字

口稱童孺腹鳴夷

右良弼得夷字

兀然落帽灌酒卮

右仲昌得卮字

太常吏部相對時

右維得時字

籍糟枕麴浮酒池

蘇詩 右丹得池字

笑問離下臥不移

太常 右渭得移字

叫呼不應無事悲

千日一醒知是誰

右允初得誰字

左傾右倒人避之

右迴得之字

遠意聯句

家在炎洲往朔方

右疾

豈如于闐望瀟湘

右澄

曾經隴底復遼陽

右巨川

更應東去採扶桑

右皎然

查客三年路未央

右伯均

燭龍之地無日光

右疾

將遊莽蒼窮大荒

右皎然

車轍馬迹逐周王

右均

斜風飄雨三十夜

右疾

隣女餘光不相借

右巨川

跡滅塵生古人盡

右皎然

洞房重扉無隙罅

右均

燭滅更深月西謝

右從心

恨意聯句

同心同縣不相見

右疾

獨採靡蕪詠團扇

右均

莫聽東隣擣霜練

右皎然

遠憶征人淚如霰

右澄

長信空堦春草遍

右從心

明妃初別昭德殿  
右抗

吟窓雜錄卷三十四下



程